

## BiH osvojila prvo mjesto na turniru u košarci u kolicima



Pobjedom u posljednjem meču protiv Austrije rezultatom 61:53, Bosna i Hercegovina osvojila je prvo mjesto na turniru "Zajedno za košarku" u organizaciji Saveza za košarku u kolicima BiH.

Bh. tim je i u ovoj utakmici pokazao snagu i na kraju ostvario pobjedu te osvojio prvo mjesto.

Od samog početka susreta Rekanović i njegovi saigrači su se nametnuli na terenu i već nakon prvih deset minuta su imali prednost od deset poena (20:10).

Prednost koju su stekli u tom periodu bez velikih problema su održavali do kraja susreta i konačnih 61:53 u korist Bosne i Hercegovine, saopćeno je iz Saveza.

Ovo je bila jubilarna stota utakmica za bh. reprezentativca Elvira Purića, koji je uz reprezentaciju od samog nastanka.

Najefikasniji u ekipi je bio Rekanović s 21 poenom, Majstorić je postigao 18, dok je Hujčić dodao 14 poena.

U posljednjoj utakmici turnira Hrvatska je pokazala da je kvalitetnija ekipa od Srbije i slavila pobjedu rezultatom 67:33.

Treće mjesto osvojila je Austrija dok je Srbija završila na četvrtom mjestu, saopćeno je iz Saveza za košarku u kolicima BiH.

(fena)

Date: 09-06-2019